



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Divi Bambergenses S. Henricvs Imperator S. Kvnegvndis  
Imperatrix S. Otho Episcopvs**

**Gretser, Jacob**

**Ingolstadii, 1611**

Jn Caput IX.

**urn:nbn:de:hbz:466:1-41527**

## In Caput IV.



*Adriani Martyris*) Adrianus Martyr, cuius festum Ecclesia celebrat 8. Septemb. Forfan VValbeck est locus ille, de quo Ditm. lib. 6. Monasterium in VVallebizi cum quatuor Ecclesiis, &c. incendio perit. Fabricit. lib. 2. Origin. Saxonie. vocat VVallebicum. Martinus Hoffmannus in Annalibus Bambergensibus. Diui Adriani Martyris gladio, qui VValberga afferuabatur, se accinxit. Bonfin. Dec. 2. lib. 1. de Henrico: Cum sepe ante praelium Eucharistia muniret exercitum, Laurentium, Georgium, & Adrianum cum armato Angelo Diuos suam aciem precesse suspexit. Idem habetur in compilatione Chronologica.

## In Caput IX.



*Nomine sancta*) Diploma hoc adscribit Auctor Othoni III. Imp. Sed necessario referri debet ad Othonem II. Imp. Nam conditor huius Diplomatis vocat genitricem seu matrem suam Adelheidam; at Adelheida fuit Mater Othonis II. vxor Othonis Magni; nam Othonem III. peperit Theophano, mulier Græca. Martinus quoq; Hoffmannus in Annalibus Bambergensibus diploma hoc Othoni II. tribuit.

*Caro nepoti nostro*) Cur Henricum nominat Nepotem? Diploma loquitur de Henrico II. huius nominis Bauariæ Duce, patre Henrici sancti, qui fuit tertius Bauariæ Dux Henricus indigitatus. Fuit autem Henricus I. patruelis Ottonis II. Imperatoris. Ex duobus quippe fratribus geniti fuere. Ille, ex Henrico primo Bauariæ Duce: Hic, ex Otone Magno Imperatore. Nepotem ergo pro patruelle vsurpat. Porro Bambergam reliquit Henricus Pater filio Henrico, de quo hæc historia.

*Nemklin Vraba*) Ita Codex Rebdorffensis. Apographū Bamberg. hic nihil opis tulit. Codex Donauerdanus. Cum omnibus ad hanc respicientibus, & eò in seruitium versis, & Nendilin Vraba.

Anno

Anno Regni Domini Othonis XIV.) Apographum Bamberg. XIII. Etiam hinc liquet, diploma pertinere ad Othonem II. quia Otho III. tantum XII. annis Regis titulo Imperium administravit, Imperator inunctus 996. nec VII. annos Imperator fuit: sed tantum VI. Otto autem Secundus quatuordecim annos Rex fuit; Rex creatus anno 961. Et solus imperare ingressus 974. Licet enim Anno 967. inunctus fuerit Imperator, Imperij tamen anni Ottonis non computantur, nisi ab obitu parentis Ottonis Magni. Sed est error librarij in Indictione, quæ anno VII. Imperij Ottonis non fuit prima, sed octava.

### In Caput X.

**A**nno igitur ab Incarnatione) Baronius ex lib. 6. Ditmari refert hanc Synodum ad Annum MVI. Lege Ditmarum lib. 6. Bambergense Apographum convenit cum nostro Codice, ut & liber manuscriptus, in quo varia diplomata & literæ Imperatorum, Regum, Principum, Pontificum & Episcoporum continentur missus ad me Vienna Austriæ à clarissimo & eruditissimo Domino SEBASTIANO TENGNAGEL: nisi quòd de die diffusio est: sic enim dicitur Codex. Anno Dominicæ Incarnationis M VII. Indiçt. V. Kal. Nouemb.

Anno regni sui VII.) Cod. Vienn. & Apograph. Bamberg. VI.

In eodem anno regni sui) Cod. Vienn. Regni sui VI.

Raterzgeuue dictum) Cod. Vienn. Raterzgeuui. Paulò pòst; Volzfelt.

CL. mansos) Ita etiam Cod. Vienn. Apograph. Bamberg. CXL.

Memmingun.) Cod. Vienn. Meinungim. Apograph. Bamberg. Meinungen.

Multiq̄, qui presentes) Quos Codex Viennensis ita nominat. In hoc consentientibus & perspicentibus (fortè, perficientibus) imprimis videlicet VVirzeburgensi Episcopo Henrico, & VVilligiso venerã-